



СЭЛЭНГЭ АЙМГИЙН САНХҮҮГИЙН ХЯНАЛТ,
ДОТООД АУДИТЫН ГАЗАР
УЛСЫН АХЛАХ БАЙЦААГЧИЙН
АЛБАН ШААРДЛАГА

2026 оны 03 сарын 30 өдөр

Дугаар 01/32-01

Сүхбаатар сум

Зөрчил арилгуулах тухай

Төсвийн тухай хуулийн 14 дүгээр зүйлийн 14.2.10, Төрийн хяналт шалгалтын тухай хуулийн 10 дугаар зүйлийн 10.9 дэх хэсэгт заасан хяналт шалгалтын байгууллага (Улсын байцаагч)-ын бүрэн эрхийн хүрээнд Сэлэнгэ аймгийн Санхүүгийн хяналт, дотоод аудитын газар нь аймгийн Засаг даргын 2026 оны 03 дугаар сарын 09-ний өдрийн ДА-2026/08/ҮА дугаартай удирдамжийн дагуу Сэлэнгэ аймгийн Сэлэнгэ аймгийн Засаг даргын Тамгын газрын Бүс, орон нутгийн хөрөнгө оруулалт, бодлого төлөвлөлтийн хэлтсийн 2024-2025 оны үйл ажиллагаанд хийсэн аудитаар төсвийн хөрөнгө оруулалтын чиг үүрэгт үл хамаарах нийт 27 төсөл, арга хэмжээг төлөвлөж батлуулсан зөрчлүүд илэрлээ. Үүнд:

- Аудитаар 2025 онд аймгийн ОНХО-аар хэрэгжүүлэхээр төлөвлөсөн 1,624,683,000.0 (нэг тэрбум зургаан зуун хорин дөрвөн сая зургаан зуун наян гурван мянга) төгрөгийн төсөвт өртөгтэй 13 төсөл арга хэмжээ,
- Аймгийн ОНХС-ийн хөрөнгө оруулалтаар хэрэгжүүлэхээр 4,867,596,200.0 (Дөрвөн тэрбум найман зуун жаран долоон сая таван зуун ерэн зургаан мянга хоёр зуу) төгрөгийн төсөвт өртөгтэй 14 төсөл арга хэмжээ,

Нийт дүнгээр **6,492,279,200.0** (Зургаан тэрбум дөрвөн зуун ерэн хоёр сая хоёр зуун далан есөн мянга хоёр зуун төгрөг)-ийн төсвийн хөрөнгө оруулалтын чиг үүрэгт үл хамаарах төсөл арга хэмжээг төлөвлөж батлуулсан байна.

Энэ нь Төсвийн тухай хуулийн 4 дүгээр зүйлийн 4.1.24."төсвийн хөрөнгө оруулалт" гэж улсын болон орон нутгийн төсвөөс санхүүжүүлж, тухайн шатны төсөвт хамаарах хуулийн этгээдийн өмчлөлд шилжих хөрөнгийн зарлагыг", 22 дугаар зүйлийн 22.1.Төсвийг тогтоосон ангиллын дагуу төлөвлөж, гүйцэтгэлийг хэрэгжүүлж, бүртгэн, тайлагнана", Сангийн сайдын 2021 оны 86 дугаар тушаалын хавсралтаа батлагдсан "“Орон нутгийн хөгжлийн сангийн үйл ажиллагааны журам”-ын 4.6.ОНХС-ийн хөрөнгийг зөвхөн дараах хөрөнгө оруулалт, хөтөлбөр, төсөл, арга хэмжээнд зарцуулах ба өөр бусад зорилгоор зарцуулахгүй” гэсэн заалтуудыг тус тус зөрчсөн байна.

Иймд Төрийн хяналт шалгалтын тухай хуулийн 10 дугаар зүйлийн 10.9.8-д "Хяналт шалгалтын явцад илэрсэн зөрчил дутагдлыг таслан зогсоох, түүний шалтгаан нөхцөлийг арилгах талаар холбогдох байгууллага, аж ахуйн нэгж, иргэн,

4326007002

хангуулах”, Засгийн газрын 2015 оны 483 дугаар тогтоолоор батлагдсан “Дотоод аудитын дүрэм”-ийн 7 дугаар зүйлийн 7.5-д “Санхүүгийн хяналт шалгалтын улсын (ахлах) байцаагч нь шалгалтаар тогтоосон ажлын үр дүн, зөрчил, түүнийг арилгах талаар цаашид авах арга хэмжээг тодорхойлсон шалгалтын тэмдэглэл, санхүү, төсөв, нягтлан бодох бүртгэлийн холбогдолтой хууль тогтоомж зөрчсөн албан тушаалтны төлөх торгууль, төлбөрийг заасан нэг бүрчилсэн акт, албан шаардлага бичнэ.” гэсэн заалтуудыг тус тус үндэслэн **ШААРДАХ** нь:

1. Хууль тогтоомжийн хэрэгжилтийг хангах: 2027 оны төсвийг боловсруулахдаа шинээр хэрэгжүүлэх төсөл, арга хэмжээ бүрийг Төсвийн тухай хуулийн 29 дүгээр зүйлд заасан шалгуур (ТЭЗҮ, зураг төсөв, зөвшөөрөл)-ыг бүрэн хангуулсны үндсэн дээр төлөвлөж, батлуулах.
2. Дахин гаргахгүй байх: Төрийн худалдан авах ажиллагааг холбогдох хууль тогтоомжийн дагуу зохион байгуулж, дээрх зөрчлийг дахин давтахгүй байх.
3. Хэрэгжилтийг тайлагнах: Албан шаардлагын биелэлтийг 2026 оны 09 дүгээр сарын 20-ны өдрийн дотор Сэлэнгэ аймгийн Санхүүгийн хяналт, дотоод аудитын газарт албан бичгээр ирүүлэхийг Бүс, орон нутгийн хөрөнгө оруулалт, бодлого төлөвлөлтийн хэлтсийн дарга (Я.Мөрөн), мэргэжилтэн (С.Өлзийбүрэн) нарт даалгав.
4. Энэхүү албан шаардлагыг эс зөвшөөрвөл Захиргааны ерөнхий хуулийн 94 дүгээр зүйлийн 94.1-т заасны дагуу хүчин төгөлдөр болсон өдрөөс хойш 30 хоногийн дотор эрх бүхий байгууллага, албан тушаалтанд гомдол гаргах эрхтэй.

АЛБАН ШААРДЛАГА ӨГСӨН:

ЗӨВШӨӨРСӨН:

СЭЛЭНГЭ АЙМГИЙН САНХҮҮГИЙН
ХЯНАЛТ, ДОТООД АУДИТЫН
ГАЗРЫН ДАРГА, САНХҮҮГИЙН
ХЯНАЛТ ШАЛГАЛТЫН УЛСЫН
АХЛАХ БАЙЦААГЧ

Т.ОДСҮРЭН



СЭЛЭНГЭ АЙМГИЙН БҮС ОРОН
НУТГИЙН ХӨРӨНГӨ ОРУУЛАЛТ,
БОДЛОГО ТӨЛӨВЛӨЛТИЙН
ХЭЛТСИЙН ДАРГА

Я.МӨРӨН

МЭРГЭЖИЛТЭН

С.ӨЛЗИЙБҮРЭН

